

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23) i Programa utroška sredstava planiranih Budžetom Zeničko-dobojskog kantona za 2025. godinu, u razdjelu 20, Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, Budžeta Zeničko-dobojskog kantona za 2025. godinu broj: 02-11-15305/25 od 14.08.2025. godine, broj: 02-11-20500/25 od 14.11.2025. godine i broj:02-11-22555/25 od 19.12.2025. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 110. sjednici, održanoj 26.12.2025. godine, d o n o s i

O D L U K U

o odobravanju novčanih sredstava JU Centar za djecu i odrasle osobe s posebnim potrebama Zeničko-dobojskog kantona za finansiranje prve faze sanacije ravnog krova i fasade Poslovne jedinice - Dnevni centar za djecu i odrasle osobe s posebnim potrebama Žepče/Maglaj

Član 1. (Predmet)

JU Centar za djecu i odrasle osobe s posebnim potrebama Zeničko-dobojskog kantona odobravaju se novčana sredstva u iznosu od 80.000,00 KM (slovima: osamdeset hiljada konvertibilnih maraka i 00/100), kao pomoć Vlade Zeničko-dobojskog kantona za realizaciju prve faze sanacije ravnog krova i fasade objekta Poslovne jedinice - Dnevni centar za djecu i odrasle osobe s posebnim potrebama Žepče/Maglaj.

Član 2. (Analitička konta Budžeta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24 i 12/25), razdjel 20 - Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 615100, subanalitika KAD 207, pozicija Budžeta: „Ostali socijalni transferi“.

Član 3. (Uplata sredstava)

Odobrena sredstva uplatit će se na transakcijski račun JU Centar za djecu i odrasle osobe s posebnim potrebama Zeničko-dobojskog kantona, broj: 134-010-0000381718, otvoren kod ASA Banka d.d. Sarajevo.

Član 4. (Realizacija Odluke)

(1) Za realizaciju ove odluke zadužuju se JU Centar za djecu i odrasle osobe s posebnim potrebama Zeničko-dobojskog kantona, Ministarstvo za rad, socijalnu politiku i izbjeglice i Ministarstvo finansija, svako u okviru svoje nadležnosti.

(2) Zadužuje se JU Centar za djecu i odrasle osobe s posebnim potrebama Zeničko-dobojskog kantona da izbor najpovoljnijeg ponuđača za sanaciju ravnog krova i fasade iz člana 1. ove odluke, u okviru prve faze, izvrši u skladu sa Zakonom o javnim nabavkama Bosne i Hercegovine („Službeni glasnik BiH“ broj: 39/14, 59/22 i 50/24), te da odmah po zaključenju ugovora sa izabranim ponuđačem poduzme sve potrebne radnje za realizaciju ugovora i dostavi primjerak kopije ugovora Ministarstvu za rad, socijalnu politiku i izbjeglice radi praćenja realizacije.

Član 5.
(Izvještavanje)

Obavezuje se JU Centar za djecu i odrasle osobe s posebnim potrebama Zeničko-dobojskog kantona da Ministarstvu za rad, socijalnu politiku i izbjeglice odmah po završetku radova, a najkasnije do 31.03.2026. godine, dostavi kompletan narativni i finansijski izvještaj o namjenskom utrošku odobrenih sredstava.

Član 6.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-23021/25

Datum, 26.12.2025. godine

Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x JU Centar za djecu i odrasle osobe s posebnim potrebama

Zeničko-dobojskog kantona, putem Ministarstva,

1x „Službene novine Zeničko-dobojskog kantona“,

1x a/a.